

У градъ зовомій Шуменъ, тамо затворили бяху у темницу вси первоначални христіани, и мысляху съ мечемъ яко да погубятъ ихъ. Но богъ милостивій иже не хочетъ погибель рабомъ своимъ, посла съ небесе бури дождевни и умножишася реки и взидоша изъ мѣста и потопаи множество домовъ агарянскій внутрь града. Видѣвши же агаряне то нечаянное дѣло, убояхуся, и испустиха они первоначални христіани, и ничтоже зла има сотвориша. Такожде и о предѣли Разградскія и Османпазарскія много чудо показваше Богъ: едни громомъ порази, а другіи водами потопляше: того ради устрашишася и престаша отъ озлобленія творити христіаномъ. И на то исполнися реченное отъ псалмиста: яко аще не би Богъ билъ съ нами, убо живихъ пожерли биша насъ.¹⁾

Они же христіаны, кои живлѣть у градове, иже суть вскрай Дунава подъ владѣніе пашовско якоже Русчукъ, такожде Свищовъ и Видинъ, они тамо само страхование що имаху, а не пострадаха ничто отъ простаго агарянского народа, понеже паши не допускаваша има то творити: аще избиша и тамо по неколико, но по суду.

Нынѣ же нигде никогоже не убиваетъ, токмо что естъ напалъ на нихъ царъ агарянскій съ великою дацію и оскудѣша окаянни христіани отъ имѣніе, и стѣнятъ сиромаси и до нынѣ подъ иго агарянско, якоже видите вси со очима вашима. Токмо богъ милостивъ да буди имъ и намъ.

Азъ, братіе, еіще много хочу изявити и написати вашему любовію о страданіе Болгаровъ: но егда съ памятію моею изъ глубини помислихъ, яко да Болгарія отъ кадъ е востала сира отъ свои царіе, все инако неправедно страда, сего ради подвижесе сердце мое на плачь, и исполнишася очи мои со слезами, и

¹⁾ Псаломъ 123, ст. 2.